

# **Умра - 2022: Нархлар, навбатлар, учиш вақтлари ва вакциналар**



17:06 / 15.01.2022 9462

Шу йил 5 январь куни Ўзбекистон мусулмонлари идораси раиси, муфтий Нуридин домла ҳазратлари Саудия Арабистонидаги “Abu Sarhad” ҳамкор ширкати билан “Умра - 2022” мавсумини амалга ошириш бўйича шартнома тузганлари ҳақида хабар берган эдик.

Шундан сўнг, ҳудудларда пандемиядан олдин навбатда турган фуқаролар рўйхатларини шакллантириш, авиақатнов жадвалларини ишлаб чиқиш, қўшимча тўловларни амалга ошириш ва зиёратчиларни тиббий кўрикдан ўтказиш ишлари бошлаб юборилди.

Айни кунларда, Ўзбекистон мусулмонлари идорасига ОАВ вакиллари ва мўмин-мусулмонлардан умра зиёрати бўйича жуда кўп саволлар бўлмоқда.

Ушбу саволларга қуидаги жавобларни тақдим этамиз:

### **Умра сафари қачондан бошланади?**

- Аллоҳ насиб этса, 2022 йил 22 январь куни биринчи рейсни Саудия Арабистонига учиришга тайёргарлик күрилмоқда. Шундан сүнг 25, 28 январь кунлари ҳам навбатдаги рейслар амалга оширилади. Келгусида муборак сафарга рейсларни сезиларли даражада ошириб борилади, инша Аллоҳ.

### **Бошланаётган умра сафарига қачон рүйхатта ёзилган фуқаролар жүнатилади?**

- Жорий умра мавсумида биринчи навбатда пандемиядан олдин, яъни 2020 йил февраль ойи охирига қадар умра зиёрати учун тұловларни амалга ошириб, сафарга бора олмаган фуқаролар юборилади.

### **Умра тұлови қанча этиб белгиланди?**

Қайд этганимиздек, пандемиядан олдин, яъни 2020 йил февраль ойига қадар умра зиёрати учун охирги белгиланған тұловларни амалга оширганлар құшимча равишда 4.770.000 сүм маблағ тұлайдилар. Ушбу құшимча тұловни белгилашда, мәхмонхоналарда зиёратчиларнинг хоналарга, автобусларда ўриндиқтарга жойлаштиришда оралиқ масофа ҳисобига 50 фоизгача қисқартырилиш, озиқ-овқат маҳсулотларини қадоқланған ҳолда тарқатиши, ўрнатылған бошқа карантин тартиб-коидаларни таъминлаш, 15 фоиз Саудия ҚҚС солиғи каби сарф-харажатлар ҳам ҳисобга олинған. Шунингдек, Макка ва Мадина шаҳарларида энг замонавий мәхмонхоналар зиёратчиларимизга хизмат қиласы.

Демек, бундан олдинги нарх 13 млн сүм атрофида бўлгани инобатга олинса, янги нарх 17,8 млн сүм эканини тахмин қилиш мумкин.

Мазкур тұловларни амалга оширишда зиёратчиларга қулайлик яратиши мақсадида, “Алоқабанк” АТнинг барча филиалларида ҳар куни, ҳатто шанба ва якшанба кунлари ҳам қабул қилинади.

Эслатиб ўтамиз, бундан олдинги нарх 13 млн сүм атрофида бўлгани инобатга олинса, янги нарх 17,8 млн сүм эканини тахмин қилиш мумкин.

### **Зиёратчилар учун қайси вакцина билан эмланиш талаб этилади?**

- Умра сафариға борувчи фуқаро “COVID-19”га қарши “Astra-Zeneca”, “Moderna”, “Pfizer” ёки “Jonson & Jonson” вакциналари билан тұлық әмланиб, сертификаттаға әга бўлиши лозим. Талаб қилингандай вакциналарни эмас, балки “Спутник V” ва Ўзбекистон-Хитой каби вакциналар билан тұлық әмланган фуқаролар юқорида саналған вакциналариан бири билан 1 марта әмланиши кифоя қиласди.

### **Саудия Арабистонида умра амалини адо этиш қилиш учун дастур орқали навбатга туриш тартиби қандай?**

- Ҳар бир зиёратчидан смартфон (Самсунг, Айфон ёки бошқа турдаги сенсор) телефони бўлиши талаб этилади. Андроид телефон учун “PlayMarket” ва IOS мобиль қурилма учун “AppStore”дан “الكواكب” (“Tawakkalna”) ва “إاتمارنا” – (“ Eatmarna”) электрон дастурлари юклатилган бўлиши лозим. Мазкур дастурлар телефонда “геолокация” ва “интернет” ёқилгандагина ишлайди. Бу дастурлар зиёратчи Саудия Арабистони давлат чегарасидан ўтиб, Мадина шаҳрида тегишли маълумотлар билан тұлдирилгандан кейингина ишга тушади.

Зиёратчи Саудияга етиб бориши билан Саудия мобиль алоқа оператори сим картасини харид қиласди ва интернет түпламини ишга туширади. Сим картани аэропортда ёки Мадина шаҳридаги меҳмонхонада харид қилиш мумкин бўлади.

“Умра қилиш мобиль дастури” зиёратчига 1 мартағина умра амалини бажаришга ва фақат 5 маҳал намозга чиқишига рухсат бериши мумкин. Қайта умра қилиш учун “Tawakkalna” ва “Eatmarna” орқали сўровнома берилади. Тизим рухсат берган муддатда “Оиша она” – Танъийим масжидидан эҳромга кириб кейин яна умра амалини адо этиши мумкин.

### **Саудия Арабистонида қандай карантин талаблари ўрнатилган?**

- Саудия Арабистони ҳудудига умра зиёрати учун кираётган хорижлик фуқаро талаб этилган вакциналар билан әмланган бўлиб, бу тұғридаги сертификаттаға ва 48 соатлик ПЦР тестига әга бўлиши, зиёратчи ўзи билан 30 та тиббий ниқоб олиши (ҳар 4 соатда алмаштириш учун) ва Саудия Арабистонида доимий тиббий ниқобда юриши ва оралиқ масофага риоя қилиниши белгиланган. Таъкидлаш керакки, тиббий ниқоб тақмаганлик учун 300 АҚШ доллары миқдорида жарима белгилаган. Зиёратчилар умра сафари якунида она-Ватанга қайтишдан аввал ўз ҳисобларидан Макка шаҳридаги меҳмонхонада ПЦР тест топширишлари керак бўлади.

## **Умра сафари учун янги навбатлар қаерда ёзилади?**

- 18 ёшдан катта бўлган Ўзбекистон фуқароси умра сафарига бориш учун ўзи рўйхатда турган маҳалла фуқаролар йиғинига шахсини тасдиқловчи хужжат билан чиқиб, умра сафари учун очилган маҳсус дафтарга рўйхатга ёзилади ва шу ҳақдаги маълумотномани олади. Ушбу дафтар бўйича навбати келган фуқарони МФЙ туман-шаҳарга тавсия беради. Сўнг худуддаги поликлиникада тиббий кўрикдан ўтади. Натижалар яхши чиқса, умра учун белгиланган тўлов суммасини тўлайди. Шунингдек, хорижга чиқиш паспорти, тиббий кўрикдан ўтгани, вакцина олгани тўғрисидаги маълумот ва сертификат ва тўлов қоғозининг нусхасини тақдим қиласи.

**Ўзбекистон мусулмонлари идораси Матбуот хизмати**